

建昌府志卷四十七

人物傳十一

陶成子學樞

張士裕世羅秉傑 范聲夏李又白

鄧墳遠 包一璧

張士胄鍾天達 林砥柱李先發

湯倓

湯儼 揭表

子塗志誠

林際輝

趙希柱

梅廷對 梅廷諧

梅廷謨

譚荅

楊大鳳

曾廷獻 李律

李印興鄧士芹嚴綬

許枚子有

湯有年 鄧裴

子鎮雲

魯立

湯大瑜

危彬 鄒士授

傅峻

趙與縉弟與縉

傅栢齡 黃伯邶

鄧逢年

湯椿年

李鳳岐叔嘉

何天爵 張紹緒

羅曠

祖冠父楫

危迪哲

建昌府志

卷四十七

人物傳十一

王思文弟熿 周之相

饒世經

鄧牧

彭鏐

涂仕禹 梅枚

趙孟且

魏運景

趙與龍

趙鏊父與恒

易達叔字綠

黃元吉兄元華

張江 鄧士楚

江天泰

祖耿極 李天極

黃紱

崔瑗 周傳昌

萬國宜

弟國宏

饒一辛

魯蕓 潘起鳳

魯朝聘

父時化兄朝俊朝用

曾道泰

羅銓魯昇 黎應郁

楊應鱸王道

何漢

潘安禮叔秉道

譚應昌李逢陽

夏雨

傅又昭

章秉銓

杜繼凱 黃紹斌

鄧釗

徐兼

程煜

陶思賢 余廷相

劉敦復

陳九韶

陳世爵

潘中立 何日熙

魏大升

唐景蓮

涂

魏運世	何潛	黃永年	黃德	黃文則
黃鑾	萬選	涂英華	趙孟浩	譚儼
趙山儀	杜瑄	趙出億	<small>父</small> 黃名世	黃德韶
余鐸	江聯芬	揭世僖		

建昌府志卷四十七

人物傳十一

國朝

陶成字企大號存軒南城人父廸邑諸生質直自好以正學訓弟子成年十六卽有志聖賢一以小學自範十九從復堂黃采遊篤信不惑母卒緣古禮治喪晝則授徒養父晚則哀經宿墓側集喪禮三卷聖室草一帙康熙乙酉以五經爲舉首己丑成進士改庶吉士授檢討旋致仕當道聘主豫章書院者三成喜曰是可藉以主張吾道矣所立教條斥功利擯俗學期與士子居敬有耻以爲窮理致用之本刊其日與諸生講貫者爲四書講習錄十三郡學者知

建昌府志

卷四十七

人物傳十一

舉業外有正學多自奮起者而廣昌黃永年寧都彭揆鉛山高爲阜尤所最屬意雍正間江西再修省志成爲總裁約同事不得私祖父并不得私文字請托遂絕晚年遊廬山構歸去來館及醉谷田以祀其祖陶靖節又建靖節祠於南昌榜其旁舍曰吾廬學者稱吾廬先生成爲程山再傳弟子其學時有異同然自遊復堂之門程課日密終其身五十年未嘗晷刻息易簣先一夕侍者進藥成手躡碎藥盃猶力疾自書今日服藥時失敬其操存嚴密至死不亂如此所著自講習錄外有日程五十二卷讀書錄象緯書河洛合鈔喪言集柴桑和詩子學樞學植皆舉人植字篤三福建上抗知縣樞字勤三寧靜寡慾器識宏遠成以

古禮治喪客有撓之者樞曰君子愛人以德奈何徇俗爲
悅乎客愧而止計偕北上朱相國重其品延制府中者數
載庚戌授中書舍人治事練達如素習未幾構疾歸遂卒
年四十二所著有道垣集子其隸壬申進士授刑部主事

志近

張士裕字冲碧新城貢生有聲庠序肆力詩古文辭及用世
學寧都易堂諸先進嘗推獎之從學者遍鄉邑所居數椽
種蕉數十本學者稱蕉軒先生性恬澹不事生產囊少餘
卽購書晚年貧益甚學益力卒年八十有一所著有蕉軒
詩約此寄軒詩集所造門人族子世穀最著世穀字詒孫
內行修潔文章爾雅著有漱玉園集

縣志

建昌府志

卷四十七

人物傳十一

二

羅秉傑字瑞堂南城人生平好行善事有長者稱康熙丙子
歲大稔秉傑出谷數千石減價以糶極貧者貸之不取息
甲申饑亦如之又嘗於里中建義倉積穀若干石爲青黃
不接之備乾隆五年舉鄉飲賓得年九十有五進士羅燠
爲立傳時同邑范聲夏李又白吳漢廣昌劉韶黃梅皆秉
性淳厚好周恤遇歲饑則出粟助賑減價平糶人咸頌德
鄧墳遠字開先南城人性嗜書凡經史子集老氏瞿曇風角
堪輿之書無不收輯而考核之家素封胸中具有邱壑每
當山水佳處輒有所佈置城南創別館曰秋水園亭榭池
塘占一邑之勝又於麻姑山創小有山房桂叢館以供凭
眺生平足跡罕至城市所作詩文嘗爲錢塘高澹人所賞

云
縣志

包一璧字連生南城人康熙甲申歲大饑出穀八百斛減價以糶而穀價頓平凡遇荒歉皆如之遺命令子孫每年穀至春正發糶以開倉之日穀價為準雖市價昂貴不得增其後人能承先志以為常鄉里德之甲申闔郡大饑士民多出粟助賑新城張士胄廣昌重天達瀘溪林砥柱李先發尤踴躍見縣志

湯倓字以安號漫湖南豐人為諸生與弟儼結在田會有文名康熙癸巳以五經得舉乙未成進士改翰林院庶吉士內艱歸治喪一遵古禮服除授編修有首領內璫延館其家倓瞠目曰若以我為何如人耶

建昌府志

卷四十七

人物傳十一

三

世宗登極倓疏陳崇實學操旗軍移湖口關於大姑塘修漕運河以利輓輸奉

文綺之賜旋丁外艱還館與修

實錄書既成晉秩二級擢御史兼刑科掌印每遇秋讞多平反有小心謹慎之稱巡視西征車騎營時方駐德勝門外暑甚蓐食畢倓趣令移營營甫移而雨驟作水大至人莫測也大學士嘗欲私見之卒不往曰吾豈效呈身御史乎在臺有釐正文廟從祀禁濬情大禮諸疏皆得大體久之請告歸遂以著有西集與圖紀畧洪範皇極解

漫湖集

李瀨縣志稿

湯儼字文望號端巖少力學與兄倓相師友康熙辛卯舉於

鄉乾隆丁巳合浙之餘杭魚寡二山爲杭嘉湖三郡來脉
又多古塚時有海塘役議開鑿儼力爭事得寢水塘三十
六月塘最險辛酉暴漲壞及三郡廬舍儼捐卷廉千金築
內堤遏其衝築外堤完其舊躬履被災五十二村察其苦
分五厰以就粟人稱便戊午分校浙闈所得皆知名士儼
人品狷潔迥然出塵居京師兄疾衣不解帶者數月喜爲
詩尤長於古樂煙不起抱膝長吟時時戟二指作推敲狀
間伸紙揮毫遒勁似其祖來賁子孝廉奕雋括其遺詩千
餘首爲端巖集而臨川李紱更選儼古詩與南城章秉銓
近體都爲一部藏於笥

李灝縣志稿

揭表字錫元號正齋廣昌人魯而嗜學事父母孝居喪哀易

建昌府志

卷四十七

人物傳十一

四

兼盡康熙辛卯舉於鄉生平重然諾有擔荷喜扶濟人危
困臨非禮之色不亂與表爲同年生者曰族子達制行頗
相似嘗推妻所得奩田佐弟妹婚嫁慷慨任事邑人賴之
爲武寧教諭榜於楹曰俸薄儉常足官卑清自尊同官甚
敬憚焉表之子瑾字懷斯雍正壬子舉人年三十喪偶不
再娶達字希周

涂志誠字純一新城人國學生慷慨好義嘗過馬鞍山麓見
頽垣中六棺暴露詢之則數十年不知主名者惻然傷之
爲出貲掩埋家僅足衣食而凡葺學宮修橋路賑饑荒及
親戚困乏皆量力力欣助無吝色子稀雍正鄉舉

縣志

漆際輝字以炳瀘溪人由廩貢任鄱陽訓導有聲康熙辛丑

於前港給賑穀六百石

縣志

趙希柱字砥菴南豐國學生性任俠急人之難無德色族人
次尹貧病且老僅一子八齡甲寅閩寇之變爲人掠賣於
燕邸戚畹家希柱翼之往廉得其處泣懇贖戚畹義之放
還數千里車載而南父子遂完聚如初嘗遊歷通都大邑
所至廣構古籍歸勗其子寧靜以實學近志

梅廷對字以茂號素巖南城人之珩次子康熙癸巳進士授
翰林克一統志館纂修官遷廣西道御史奉

命督運盛京米數萬石入京指揮有度車戶不擾稱

旨命巡西城旋授山東鹽運使以事罷爲人溫厚篤實初官翰
林時有同館某患盜以五百金密寄踰月某中風往視不

建昌府志

卷四十七

人物傳十一

五

能言廷對亟宣其事於同間疾者後得所親至還其金辛
丑會試甲辰順天鄉試克同考官所得皆知名士旣歸與
二三戚友詩酒自娛乾隆癸亥饑斗米二百錢當事商救
荒策廷對首議平糶爲富民倡鄉里賴之性嗜書能詩工
書畫庚午知縣趙丹樞聘修邑乘與進士巖潔總其事所
著有汲古堂詩六卷素巖雜著四卷東山卧吟一集年七
十二卒子雲鵬舉人在平知縣

梅廷諧字以和南城人之珩三子舉康熙辛卯鄉試克

授臨川教諭未赴家居以孝養聞撫從子卹所生女弟

居食貧爲經理其家歲時問饋不絕癸亥饑由

平糶富民效之每歲糶夫黨有不給者持糶米送

如修萬年太平橋楊林渡皆不惜殫力以期必成幼授業於孝廉吳玫廷諧在燕邸會玫卒為治其喪以歸子雲程進士長樂知縣廷諧就養卒於署贈如子官

近志

梅廷謨字以式號定齋南城人之珩四子康熙辛卯舉鄉試授大理評事雍正間出任靜樂知縣靜樂積弊豪戶受田賦累貧民胥吏舞文莫可窮詰謨廉得其情覈實釐清弊頓革調平遙摘奸發伏如靜樂擢知平定州丁外艱歸服闋補桂陽州歲大祲故事常平糶粟存七分謨力請上官盡發所儲粟饑民賴焉先是士習卑靡為創義學延名師月進諸生親課訓以立志敦本亶亶不倦不數年文風丕振尋致仕生平慷慨樂推解宦遊十餘年居家日少然係

建昌府志

卷四十七

人物傳十一

六

情桑梓每遇歲歉及事關地方者輒捐助無吝色子雲騏

癸酉舉人

近志

譚苓字西美號簡亭南豐人弱冠舉於鄉負氣節生平以文章為性命奕明經湯斯祚為石交每一詩成必亟請斯祚商確筮仕三楚歷天門麻城所至有廉幹聲公餘與斯祚倡和成帙以麻城任內盜案誑誤督撫保留之改發湖南委署數縣政聲益著內艱歸服闋改龍陽任不滿其才暇則寄興於詩佳處直入唐人之室居官十餘年家徒四壁所得俸悉以佐朋友之不給者乾隆七年以濫給驛馬落職當路復薦之未及復任而卒著有簡亭詩集四卷

近志

楊大鳳字霞舉號梧軒新城人康熙辛卯副貢雍正乙卯以

教習授富陽知縣少勤學餽於庠有文章名中年遊外
新興令涂綱幕中練習吏事涖富陽一切厝注井井有方
而詩已廉介於資廉外一無所取家故堪衣食以承辦海
塘柴料領價銀二萬兩有奇後奉核減四千餘鬻產償之
家中落無所悔性孝友築墓園於父祠側晨夕依之又常
招兄弟同居名其堂曰怡怡舉鄉飲賓年七十七卒

曾廷獻字尚文南豐人秉乾子授徒里中以古小學立教先
行後文秉忠信敦禮讓鄉族皆敬信之祖祠燬獻集宗人
議聲淚俱下眾感動爭勸貲大集落成規制逾舊軍溪橋
圯於水獻募緝之再圯再緝卒成功年七十卒同井多泣

下者所著有塾園集聖功纂言

近志

建昌府志

卷四十七

人物傳十一

七

李律字禹聲南豐人四歲失恃事繼母盡禮父長祚卒於官
律扶柩歸居廬數載哀慟弗輟族叔子成七十舉子甫兩
月疾革以孤天定托律律扶翼二十載孤得成名西鄉饒
莠哨聚爲寇律上其狀於攝縣胡恂獲莠殺之民乃安堵
豐邑地脉爲村民挖傷律與陳恭墀巡歷化諭且呈請豎
碑禁之康熙乙未貢成均所著有求志齋稿恭墀名宁

近志

李印典字慧采新城人父遺產數百畝印典好施與失其半
康熙癸巳大水邑西關安濟橋漂沒印典募修盡鬻餘田
百畝爲倡應者羣集得三千金橋成印典家遂落意甚得
此先是西關惠德橋朽里人鄧士芹嚴綬等倡首募修至
是安濟橋成彩虹雙落人皆頌利濟云

許枚字廷卜新城人歲貢生性恬澹嗜學與人言明不出口
居父母喪皆齋居近墓舍館以授書爲事終制而返不居
廬墓之名子有瓊字二瑤邑庠生貢太學以訓導改授昭
文主簿官五年父年逾八十乞終養歸性恬澹如其父自
讀書爲文外習詩工書法彈琴寫山水各得其趣在昭文
助其令濬梅李澣浦虹橋諸河以利輸灌又糾紳士集資
掩埋城外暴骸人咸德之所著詩曰攬秀草蓮渚草

湯有年字維歲號慕韓南豐人永誠子爲人和藹而狷介有
守客州府數十年衡文多得佳士教授弟子多顯達終未
嘗有所私年十九爲諸生滯庠序者三十六年雍正癸卯
始拔貢生又二十五年乃得瑞昌教諭至官首與諸生講

建昌府志

卷四十七

人物傳十一

人

習禮儀因朱子家禮而變通之立學規學戒所言皆中學
者痼疾瑞昌俗停柩中堂男女纍積溢門外又多撫異姓
子亂宗祧有年榜諭城鄉示以禮動以天良貧者勸親黨
助之具渴有司責保甲舉首坐以罪由是暴露者皆拚瘞
而子異姓之風亦漸息官四載士漸知禮文風亦漸變尋
歸卒所著有隻字編墨談瑞昌訓士錄近志

鄧裴字又楷號東隱城人甫成童時一試帖括卽棄去以
古人旨期有進則奮葛退則雲卿孺子之志生平博極羣
籍天文地理禮樂兵刑下至方技雜書無不通究論古人
多精當工詩賦每一篇出人爭誦之又嘗倣元朱思本著
地輿圖圖縱橫可七尺加詳註凡戰守幾宜按圖可索其

老友南豐梁份亦嘗著是圖自嘆不如于鎮矣
詩著有愛秋齋詩集

縣志

魯立字蒼鶴號書田新城人康熙五十一年進士入翰林母老假歸遂以例休致或有爲立惜者立曰吾自揣迂疎不足爲時緩急得長侍老母幸矣雍正元年翰林休致者皆復錄用授立檢討生平清苦自勵足不及要人門所與遊處皆當世迂濶者一榻蕭然甚於寒士卒之日貧無以殮

縣志

湯大瑜號書田南豐人康熙癸巳進士知臨桂縣前此徵地丁銀每兩耗羨二錢瑜至則減其半粵西故無漕糧有弁兵月米輸銀米各半舊例折米一石亦增耗二錢瑜盡革

遂昌府志

卷四十七

人物傳十一

九

之請於上官著爲令邑俗喜訟懲其指使者風稍息遇訟牒至立剖其曲直不淹舊案中有廖氏夜爲盜砍傷數父而斃逾月指盜爲某某瑜疑之曰曩不知盜名忽云見白晝潛入至夜傷人可據耶特爲駁正又有奸民劉某懇徭掠去一十九人廉其實庄徭有美地若干畝有曹某者本流寓利徭地陰使劉師之瑜卽正其誣罔徭人舉手呼天而去修復宣成書院葺雙忠祠三先生祠在任二年卒祀名宦從兄大正康熙甲子舉人任寶坻縣有政聲以捕蝗解任士民保留之

廣西通志
寶坻縣志

承彬字景曹號儲園南豐人好讀書尤究心當代典故自爲諸生舉孝廉從前輩魏魯峰連米山墓遊蹟極沙

外邑錢糧積弊久彬請於廷令詹鑿行一條鞭法
便雍正丁未任寧州學正寧地僻萬山中士不舉於鄉者
垂數十正彬至修覺宮濬泮沼嚴督課恤貧乏日鼓舞訓
勵士始有振巍科讀中秘書者及去立碑表德初彬少孤
與弟楷日貿布以養母夜則相勵以學次第雋於鄉母之
卒也楷不勺飲五日兄弟友愛終其身楷謁選時吏部揭
奏易其姓曰元終陝西定邊令近志
鄒士授字薪傳南豐人康熙癸巳恩科舉人乾隆五年選授
山東臨邑縣甫下車捐俸修文廟設義學置腴田數十畝
以供膏火士風丕振臨邑東南二十五里爲古徒駭河故
道河身淤塞每霖雨數十里盡成巨浸亢旱又苦無所蓄

建昌府志

卷四十七

人物傳十一

士授至廣諮博訪相度地形既得其實申請開濬大吏報
可士授躬冒暑雨指揮肇畫窮晝夜不倦禹城諸縣因其
勢而利導之水循故道入海邑賴以安先是邑災奉賑例
分極貧次貧士授卽各村中擇老成殷實者王之胥吏不
得中飽泄任十二年以疾告歸優游林下卒年六十有五
子吳炳皆乾隆間舉人炳授彭澤教諭

傅峻字崑秀南豐人年十四補弟子員穎異越邁康熙甲午
副貢生壬寅以鑲白旗教習知修仁縣盡免耗羨勸課農
桑請復德威附善二鎮以固邊防調宜山令宜尤矜節難
處仇殺無虛月龍門司負嶠逋賦凡長吏至潛匿不出峻
推誠招待各土舍率其類來謁委曲開諭仍具牛酒犒之

皆感悅慕義四境帖服未幾以疾卒於官祀廣西名宦

通志

趙與縉字解若南豐人父希陳以拔貢教諭新喻縉好學工詩文偕弟與縉並友八人爲在田會名噪一時康熙甲午舉於鄉豐邑糧賦積久弊生會新令趙膺圖至乃大會紳士行歸都里法而總其成於彬與縉困乃大蘇教諭清江上書撫軍言四事皆報可而請嚴禁天符妖祀尤有識遷慶元知縣未任卒與縉字履若號學泉雍正十三年恩貢邑中知名士多出其門乾隆乙亥選瑞金教諭以身作則多士欽其嚴正

近志

傅栢齡字松友南城人甲申饑有蒙師某將鬻妻以活其子

建昌府志

卷四十七

人物傳十一

十一

事成栢齡聞之惻然爲稱貸以濟不責其償夫婦得全大荒之後疫癘盛行栢齡精於醫製藥施送全活無算子協邦乾隆丙辰舉人

黃伯邴字岐生新城人康熙甲寅閩變起仲兄爲寇所掠母悲失明伯邴稍長服賈於外覓仲音耗旣轉徙諸都會卒遇仲東粵偕之歸先是伯邴已與伯析產念伯食指繁獨出已產析予仲母喜仲得歸又喜伯邴孝友自復明母歿哀毀旣葬遇月朔輒詣墓所哭泣乾隆癸亥歲大疫鄉民多取土雜糠以食伯邴減夕食以賑閭里之乏年七十八卒子世俊乾隆甲子舉人

縣志

鄧逢年字介田號稼夫南豐人少負異敏讀書過目成誦稍

長修子弟職無愧行與人交必以誠或有不平事他人依
呵不肯言者逢年輒充直言之家故貧而樂周急視友事
如已事與進士趙與鴻孝廉劉憲危彬爲舉業友詩人鄒
憲謝德宏德選吳璟趙與羔譚應昌等爲詩友皆相得無
間彬病垂危逢年救之延養疾於家凡五閱月每夜數起
不倦趙與羔譚應昌皆奇貧逢年委曲佐助之嘗不令家
人知經理祠事得羨田三十餘畝越十年廣至三百畝肇
舉春祭置學田給考試費自應童子試至上公車有差平
生喜作詩日可數十首苦不自收拾今存者餘耕堂剩稿
二百餘篇天葩曼衍出入雅風大有陶謝諸家遺意卒年
九十有二祀家廟崇德祠子來祚乾隆甲戌進士

建昌府志

卷四十七

人物傳十一

十一

湯椿年字祚培號思劬南豐人來賀孫事庶母委曲承歡雍
正丙午父永寬以事株連入京椿年冒雪徒步三千里號
籲法司鞭笞亂下不稍避衆感歎許入侍湯藥已而永寬
安置滄州椿年往來賣卜以供菽水三年父卒扶柩旋里
凡承寬生平抱恨事椿年遵遺命力圖之竟成其志乾隆
三年旌表孝子後以歲貢爲分宜訓導士愛戴之近志
李鳳岐字周來號丹峰南豐人五歲喪母含殮時兩手握母
哭不得脫事繼母以孝聞少長受學於季父嘉懋與湯倓
八人結在田會以課文每小大試諸人迭首拔而鳳岐爲
多督學王式穀至懸其文於屏壁以爲式康熙癸巳舉於
鄉乙未成進士選翰林敝帷蕭索清苦自甘爲司農趙由

喬堂院湯右會少宗伯胡作梅所重明年七月病滯下卒
檢囊中得二百錢友人危彬爲經紹其喪以歸鳳岐文高
簡藻麗詩賦書法俱各臻妙境年方四十而死人甚惜之
嘉懋字勉公舉動嚴正爲諸生有聲族里公事多賴持正
後進咸敬畏之近志

何天爵字從之南城人雍正間貢生與羅熿張江諸人友善
而天爵性高脫不屑屑於科名生平博覽羣籍凡道經釋
典靡不精究工於詩著有睡鄉集六卷王阮亭得其詩讀
至橫吹三美關山合直與孤舟涕淚俱爲嘆絕晚有山水
癖布衣草履望之如孤雲野鶴喜音律著笛譜每出遊必
囊笛與俱寓新城資溪最久資溪多風雅之士皆天爵造

建昌府志

卷四十七

人物傳十一

七

就之力普借邱時彬續修麻姑志時彬字登岱家多藏書
天爵常寓其家云縣志

張紹緒字聞衣南豐諸生爲人長者事親孝父年近七十病
紹緒禱於城隍神割股以進喪三年哀念如一日子士鐸
副貢生孫濤舉人近志

羅熿字日杏號勛功南城人祖冠康熙庚戌進士父楫戊子
舉人皆以績學名熿幼負異敏七歲侍王父冠側見爲人
題額退竊筆作忠孝節義四大字王父奇之稍長爲文章
峭勁有骨力十七補弟子員試輒冠其曹與同里張江齊
名人稱爲盱江張羅閩儒詹莪士卜隱盱南手書無所不
讀尤精於易一日與熿論先天河圖詹爽然若失日子誠

異吾學有傳人矣遂割兼山樓之半居之盡出其所藏書與曠縱觀曠以是益肆力古學天人性命子史百家之奧靡不窺覽康熙乙未成進士殿試擬第一卷有某公者欲羅而致之曠謝不往遂抑之乙巳選授杭州新城郭外塘田數百畝歲憂早曠至捐俸修官塘民賴其利呼爲羅公塘監生余光宁爲人所誣制府檄曠理曠廉其狀代白之制府怒曰吾訪緝何誤乃爾曠曰知縣親民之官豈得更誤卒得釋未幾竟以抗直忤上官坐爭罷曠自少儻負骨氣遇不可意雖權貴弗避然胸無城府事過輒忘人以是諒其無他罷官後鍵戶讀書種竹栽花陶然自得太守徐天麒時造其廬諮訪之著有耐可堂集子華進士任雲

建昌府志

卷四十七

人物傳十一

古

南富民知縣

縣志

危廸哲南城人康熙中從父遷南昌母嗜魚日持餌釣魚以進長客京師有金陵人張吉楨病瘦同舍避去廸哲憐而扶持之張死持其喪與所遺千金請金陵道中數心驚抵張舍分金謝之堅不受倉皇歸南昌則其父已死方途中

心驚時父病正篤云

南昌縣志

王思文字立民號鶴亭南城人自祖以下三世同爨以孝友稱先是仲父無子以思文爲後所後母綜家政同爨五十餘人晚令析產兄弟以思文後仲父析半予之思文曰兄弟三人三分之可也兄弟相讓卒從思文議生平服善疾惡有故人子頗敗蕩遇之途間面叱之命隨行教以讀書

繼父志語絮絮不休或前曰子語誰視故人子已不知所
之矣爲太息屢日性敏好讀書爲諸生以詩文自豪著有
儒夫存草楞櫟錄及卒陶成爲立傳黃永年志其墓弟婦
康熙戊戌進士仕南樂知縣清廉有政聲著有學正語錄
四卷年七十一卒於粵西

近志

周之相字襄廷號寧山南城人童時手纂周易童觀集十卷
其師吳惕若見而異之謂與邑羅熾張江齊名乙未成
進士授大冶令俗信妖神相率力禁且開導之
做俗頓改邑舊報捐社谷二千餘石皆非實貯忽奉檄刻
期清逕相不忍困民捐俸代完者半攝興國篆值水荒辦
理兩地賑務皆有條理以廉能調繁江夏省會首邑上官

建昌府志

卷四十七

人物傳十一

五

遇疑獄輒下相理再任瀏陽核減徵漕浮耗遂爲定則以
疾致仕歸囊橐蕭然所著有寧山稿四卷光霽堂詩集六
卷子方熾方燧俱進士任知縣

饒世經字緯文新城人性敏能博涉爲文淵源經史康熙癸
巳舉鄉試戊戌成進士補國子監學正隨授西寧知縣居
官清正不爲鋏急態西寧近邊徼地寒薄收民欠屯糧累
纍前令率捏報完世經受代二年未完尙六千石於通
盤查案內解任世經不忍追呼窮簷罄家財補之後以
色應改本色所折不敷又竭力代補坐是遂囚憐寧人
之念其羈留每餽問不絕隨卒

縣志

鄧牧字乃夢南豐人父由高敦古誼重然諾有詩名牧口

期不能言而淵含今古人不可窮其際為諸生得一破蓋
入都門所至名流傾倒尤見重於臨川李紱庚子舉於鄉
明年成進士皆魁其經自陳願為學官遂教授撫州所得
束修悉以資給貧士乾隆初徵試博學鴻詞報罷未幾卒
子必安必大皆舉人近志

彭鏐字健伯南城人性孝友仁厚母瞽日以舌舐之一載復
明丁內外艱食粥三年哀毀逾禮撫孤姪如所生途中遇
婦人號哭欲赴水詢知為夫鬻以償官負鏐解囊贈之夫
妻獲全生平嗜古積學著有曉崖文集子濬江俱文學沂

拔貢候選直隸州州判魏少宰撰墓志

涂仕禹字祇先南城諸生父府榘坐罪論死祖母年八十餘

建昌府志

卷四十七

人物傳十一

耳目聾贖晝夜悲啼母病甚言及父輒昏絕仕禹長跪終
日無以慰乃痛哭遍陳當事謂此身本父所生還以此身
代父一死累數自言皆至性悱惻動人會獄成不得釋當
事以其誠孝亟褒獎之近志

梅枚字功升號慕堂南城人幼讀書有聲所試冠其曹與何
天爵羅燝潘安禮鄧士錦諸人商訂經史力學古大家詩
文十數年弗輟走豫章從魯留耕張損持遊與江右知名
士相切劘顏其堂曰正學康熙庚子舉於鄉明年成進士
授河內知縣勤聽斷無留牘開九河堰道通漕運兼溉民
田無算調儀封值河潰隄勢莫禦枚念沿河數百家將不
保即跳身堤堰間將以徇水漸息擢知禹州攝許州並有

聲雍正十一年制府以博學宏詞薦十三年以治行薦人
先試一以貫之論南郊瑞雪賦一氣轉洪鈞詩封其卷內
閣俟畢試改官入翰林乾隆元年擢泰安知府而試中鴻
博者授翰林皆六品以下官遂不調在泰安興學校省徭
役潔已愛民民咸戴之三年卒於官校爲人恂恂若處子
喜誘掖後進人有一善輒極口獎厲之有問其生平所得
者曰無他但未嘗私語人過耳所著有詩抄尺牘慕堂集

縣志

趙孟且字步元南豐人家世讀書至孟且益深自韜晦康熙
庚子鄉舉與邑紳同建歸都里議其惠甚溥先是歲甲申
饑甚且傾囊以賑不給適愛吳氏始寄粟三百石卽盡發

建昌府志

卷四十七

人物傳十一

十七

之或曰子不虛償耶曰償自後日事且活我日中餓孳也
其慷慨好義若此子由煌孫宜麟夢夔皆爲諸生有聲近志
魏運景字昇期號曉東廣昌人雍正元年鄉舉五年奉

特旨

掇選會試舉人集內殿試奏摺運景列各一等以福建知

縣用得邑泰寧倡建橋梁設正音書院三載丁艱去服闋
揀授廣西臨桂臨桂附省首邑猺獠雜居事繁民悍稱難
治運景寬嚴相濟任兩考官民上下俱孚舊收猺糧一兩
折錢一千八百文運景諭所輸聽便并請照例加一徵收
猺民勒碑頌德巡撫金鉉題建秀峰書院乏膏火運景請
開壘山巖荒地數十里以資之乾隆元年陞東蘭州首禁
土民仇殺訓練土兵技藝後義寧桑江苗變總制馬爾泰

調定土官兵征討以東蘭土兵爲最旋委守太平又委守
慶遠因宜山用兵委總六路軍需應接無悞事平議叙頭
等軍功六年調取引見授平樂府尋調桂林建石壩講荒
政兩任皆有實績罷官家居十年纂輯史鑑成帙暇則吟
詩刻有韜齋詩稿子洪乾隆壬申舉人姪兆龍有詩名以
拔貢考授八旗教習京師士大夫皆重之所刻齋堂詩數
卷臨川李公樞爲嘉許

趙與龍字子秀南豐人生四歲父希安賈於滇久不歸龍既
長決計往省瘴雨蠻煙匍匐涕泣值村炊斷處輒手掬澗
水漬乾俛咽之三月達雲南然卒莫知父所久之號於市
有白鬚人頰目之曰後生何人何音類吾鄉旣得其詳曰

建昌府

卷四十七

人物傳十一

六

吾兒與父子相悲喜父素以信義爲滇客重市事資裁決
卒不得歸乃命龍往來通家問不得已獨還再往則父死
矣呼棺之慘賈客皆爲流涕樞歸抵南寧雨漲漂沒廬舍
龍抱棺哭禱丈地水獨殺若犀分然人以其爲孝感後入國

子監賓飲於鄉年八十卒

南池類稿

趙鏊字步溪南豐貢生父與恒字仲占捐腴田三百石廣祭
產又捐一百五十石賑本支貧乏而性峻厲鏊承順婉容
能得其歡心親病徧禱諸神願以身代前後若喪哀禮兼
盡友愛諸弟嫡庶如一唐令游茂洪墓在縣五十四都樟
潭妻子共三塚舊責里正供祭掃順治十年鏊祖師環以
茂洪及元州牧裴亮直有功德於民墓存祭餼捐租一十

九石分入學歲派門斗供事歲久弊積祭掃仍缺乾隆十五年整呈縣將此田改付邑廩生通管每丁祭后一日首廩生偕趙姓一人同往祭掃并推及明訓導王雷二其其善承先志如此又嘗於本祠創建義倉捐穀二百石族衆踴躍爭輸至今積穀數千石凶荒有脩邑人德之所著有中溪草堂文集近志

易遠字振清廣昌人爲人務民義而遠鬼神族子綱延孤兒五世死而其婦嫁南豐李子先數月產男遠聞之喜曰綱延五世鬼其血食矣乃抵子先家鼻以粟丐養其男十歲攜歸成立之妻產而病聞鬼嘯鄰里請禳之遠夫婦皆持不可竟無恙子統元爲巡撫陳公宏謀所重聞其事而備

建昌府志

卷四十七

人物傳十一

九

之爲立傳族叔字綠廩生性孝友博學工詩鄉里宗之著有書波集四卷近志

黃元吉字奘若廣昌人生而純靜寡言笑年十四丁母艱哀慟勺水不入口者三日三年蔬食水飲卽小祥後未嘗食菜果哭無時泣盡繼以血兩襟爲之丹待諸弟極友愛雍正癸卯獲雋晝夜泣恨母之不及見也侍父官叙同上公車以疾歿於京邸年三十八臨川李紱族父建皆爲之傳兄萱華擅文名著有覺軒詩集萱華子煦著有藹堂詩集並有聲膠庠近志

張汀字百川號曉樓南城人少孤力學與同邑何天爵羅嶺梅枚潘安禮並秀出一時而江尤究心術學儼前明

代文各體皆備已乃舍去自出機杼孫子未王漢階先後
享其稿天下無不知有張百川制藝者雍正癸卯成進士
人翰林踰年授編修會高安朱相國軾修歷代以來名儒
各臣傳以各臣屬江其論贊平正古雅大爲相國所重刻
入高安十三種書中生平沈酣經史百家之書詩古文皆
有所至然獨爲制藝所掩及卒中外惜之

縣志

鄧士楚字翹瞻號寄茗新城人讀書愛武侯淡泊寧靜語佩
服終身不諛雍正癸卯成進士令直隸安平蠲鹽例金平
鹽價民德之尤加意造士初試童子僅百數十人拔其尤
者月課之有張捷者家極貧士楚爲給食娶妻捷死妻守
志又爲買贍田令繼嗣他窶者並時飲之學大興三年應

建昌府志

卷四十七

人物傳十一

三

童試至三百人有婦自縊死婦弟誣爲前室子所逼士楚
察子孝白其冤又常活大獄數十人士民稱其廉愛而時
鋤豪強濟以猛民莫敢作非爲忌者媒孽改教職不赴歸
市書一車誦讀如諸生時年五十六卒

縣志

江天泰字卓人南豐人曾祖映極慷慨有俠氣家貧至天泰
貧益甚炊不繼師李天極憐而飯之受業七年得以成學
雍正癸卯進士授全椒令下車罷無藝之征二千餘兩却
饋三千金咎民不過十五而猾吏奸民必繩以法椒故利
藪州守歲以是爲外府聞天泰所爲大駭竟以催科不力
被揭凡四十九日報罷民聞之一夜盡輸賦逾其額二日
而賦及於江南時大憲疏已上不可挽代者至縣民盡哭

不得入設香燃燈達晝夜願復故賢令大憲聞之號然手
篆付州守曰汝以私誤我刻賢令致民鼎沸汝其以是奠
吾民守艤舟三十里外求所以靖民者不得徬徨無措若
有數萬人從之乞命者遂父子三人俱雉經死是時燃燈
已七晝夜矣泰罷官後不能炊百姓爭餉麩米雞子泰閉
戶不納百姓填街巷復大哭紳士壞館垣以入拜且泣曰
公活我一邑公可餓死乎今與公約麩米自三升以下雞
子十枚以下爲百姓留過是皆遣還民歡如雷館中雞子
滯焉好事者譜入梨園曰萬民燈踰年卒全椒人祀爲城
隍云泰性介家居與人落落寡合惟數詣其師天極曰泰
無以報先生惟不敢墮守以爲師門辱也天極字衛皇歲

建昌府志

卷四十七

人物傳十一

貢生事父母以孝聞

王廷諤撰傳

黃綾字學三廣昌歲貢生家貧投徒不與外事子永年志識
不凡學三知爲大器習經書甫畢卽舉延平問答近思錄
大學衍義諸書朝夕篤課後永年通籍官刑曹十年歲時
郵書敦勉總以明慎爲要及永年出守京口迎養至署布
衣藤杖不改寒素之風年八十二卒於家以子貴贈中憲
大夫

崔瑗字二蘧南豐人幼失怙恃依祖母以長旦夕承順鄉里
無間言祖母卒哀毀逾節恨已少孤聞他人有老父母在
堂輒惻惻心動或貧乏必委曲以濟不能殯者助以棺
黃余棟聞而奇之爲立傳以表其行

余棟撰傳

周傳昌字漢元，豐人。雍正甲辰進士。豐邑錢糧積弊，夙令廢圖改歸都里，其利甚溥。傳昌有力焉。令豐濶三載，旌善除奸，寬猛互用。大吏以肅寧凋殘，調傳昌往撫之。傳昌至，至憫其水旱爲之請賑，兼於旁近採買車載給散，民甚便之。又捐養廉修學宮，士氣稍振。庚申大旱，步禱中暘，卒近志。萬國宣字廷俊，南城人。幼忼慨，有大志，以貢生援例起家。山西絳州牧，絳西多虎害，宣至齋宿神廟，祈虎盡，乃返。越數日，虎竟滅跡。有諸生迫於繼母而出，其妻者立召繼母至堂，以恩義反覆開諭，母感悟泣下，遂爲姑媳如初。尋卓異，陞授歸德府知府。歸屬考，虞二邑濱河，頻遭水患，日夕禱祀河神，水勢卽殺，民得免於沉溺。趙四閨女未及笄，奸徒

建昌府志

卷四十七

人物傳十一

三

犯之女發聲喊鄰，母來視，奸徒殺鄰母以滅口。事覺，誣女同謀，宣下車剖斷，女寃立雪。陞山東兗沂曹道。曹縣界連三省，萑符窟穴，素難緝獲。宣密訪擒積盜侯大誑、田喜章等十餘人，清結竊劫六十餘案，殲其魁黨，與逃散丁內艱。服闋仍補兗沂曹道。陞浙江按察使。時浙有邪術迷小童，取其腦髓骨殖，售與醫家，宜入境盡擒其黨，寘之重典。徽嚴兩郡蛟水陡發，田廬漂沒，星夜委員救護，賑給全活無算。弟國宏字廷傑，有幹濟才，令祥符擢守彰德，決疑獄，賑饑民所至皆有聲。國宣子人表，崇慶知州。

饒一辛字近韓，廣昌人。父聯飛，性峻介，色笑不假。人里鄰，蕩檢者多走避之。好讀書，手未嘗釋卷。課一辛以古學，不屑

補於舉子業一辛由是專意經學購得九經解千餘卷反復誦繹卷爲之敝所著有先甲堂集能發經傳之微廣交當世良友益耿介砥礪名節動以古義相繩雍正甲辰舉於鄉座主孫文定待爲國士高安朱相國軾見所著嘆以爲古人薦於朝授新建教諭課士以古學時南豐危彬司鐸寧州與一辛並有人師之目大吏敬而愛之事多諮諏以行會開博學鴻詞科巡撫常公安將以一辛應力辭更自署曰趾齋寓知止知足之義未幾卒年五十餘以子學曙貴贈翰林院編修贈聯飛亦如之初聯飛生數月坐竹輿中父母偶他出室遽圯母方號咷失措而啟土者言竹輿無恙有物撐柱之竹輿兒固無恙人競傳爲異事及

建昌府志

卷四十七

人物傳十一

三

一辛出學曙兄弟更接踵以起以是知生福之有基也聯

飛字凌九

墓志

魯夔字仲馨新城人性方正人以方頭目之夔日方可也意以爲方不可也因自號矩齋以志儆潛心力學爲制藝必宗正嘉以上人雍正甲辰鄉試幾失而復得主司吳公士玉孫公嘉淦特拔之也家貧好施與費無所出乃命其子舉人鼎梅糾里中好義者設社倉積谷六百餘石春散秋歛如法鄉人德之夔所授徒數十人多成材者鼎梅亦其自訓成進士官臺灣知縣封夔如其官

徐瑞撰傳

潘起鳳字璉碧新城人祖夔歲貢生父崇簡康熙庚午舉人安福教諭皆以忠厚積學爲後進典型起鳳承祖父訓益

自始飭強... 腹等富有為諸生二十年試必前列雍正
甲辰舉於鄉乙卯分校江南得士最盛秦尙書蕙田其尤
顯起鳳性甘貧淡敝衣蔬食安之若忘晚年赴選常主於
秦公家架上多藏書晨夕繙閱於外事一無所干識者賢
之本註選知縣將屆期請改教職未及選病歸而卒

得朝聘字竹溪新城人父時化貿易所得財平分兄弟者再
康熙丁丑甲申歲饑皆捐財助賑朝聘以邑庠例授貴州
都勻令累陞都勻知府雍正六年清理苗疆制府張廣泗
進勦八寨分師三路入時聘攝獨山州篆統州屬土兵趨
右將抵關口苗據險以拒聘躬冒矢石麾兵疾進破交歸
羊甲等寨斬首二十一級苗挫銳欵制府營求撫旣移師

建昌府志

卷四十七

人物傳十一

二

丹江屢攻不克八寨復叛大兵繼平之請城其地立營汛
以聘為八寨理苗同知董其事三載告成乃建義學延師
教苗子弟千百年阻化之區至是始被文教十三年古州
諸苗煽亂八寨苗聞風為合自夏徂冬攻城數十次城中
額兵八百半經調遣勢岌岌同累卯聘與遊擊親率士卒
守禦每決戰分兵半出東門交鋒半由西門繞出苗後夾
擊之又多設旗幟示以益兵助戰狀苗莫測虛實久之度
城不可破乃散去年七十七卒兄朝俊字文升由貢捐授
中書補雲南武定府同知攝嵩明州事陞湖廣常德守暨
官一十六載所至亦有成績又兄朝用字尚寶以國子
肄業成均乙酉山東大饑自請於部捐贖賑濟

親歷鄉鄰全活饑民三千餘口撫督上其事議叙知州未

及赴選卒朝聘于慶朝用孫成龍先後成進士縣志

曾道泰字燮功南豐人性孝友言行不苟雍正甲辰舉於鄉

座主孫嘉淦每舉道泰以勗其同年生曰此篤實君子也

有朝貴慕其名使人招之堅謝不往居京邸疾病友人魏

先迪為之營辦參苓歿為之經紀其喪而泰惟以季弟為

念語不及妻子近志

羅銓字枚功南城人康熙癸巳舉於鄉乙未會試與其從侄

廣皆為房考朱編修一鳳所薦銓未售一鳳惜之雍正丁

未成進士出房考任少詹蘭枝之門朱與任皆當時文章

宗匠也銓文學根深華茂而為人質慤方正同邑潘安禮

建昌府志

卷四十七

人物傳十一

章秉銓輩有文章名皆以前輩禮待之選授臨江府教授

特據江西教職文行兼優者為廣東巡學大吏以銓及同

邑鄧士錦新城魯昇行銓得惠州士大欽服期滿歸卒所

著有聯珠集昇得韶州以卓異陞知縣未及選卒

黎應邵字永宣新城人康熙丙子歲大饑出穀二千石碾米

減價平糶又煮粥療饑全活甚眾時同邑楊應鱣既出粟

助官賑更自以餘粟濟其鄰里又王道出粟助官粥賑已

已冬製綿衣數百領給無衣者應郁子川材舉人湖南知

縣應鱣子大樞貢生訓導道子文彬貢生

何漢字次山號清齋廣昌人三省曾孫讀書以謹行為生
引後進如恐弗及雍正丙午舉於鄉出石城令門生

訊至廣昌走書相屬欲有以爲漢地漢曰公愛我非知我者我苟愛莫夜金何至是謝不往人有窘而售其先壟於漢者既投直矣夜中徐思曰祖父一也安有奪人先壟而反以爲言者乎立取券火之不取直居金臺惟與故人黃永年道誼相劇他權貴門未嘗一往乾隆壬戌成進士閱三月卒君子惜之

近志

潘安禮字立夫號東山南城人生而敦敏以孝友重鄉里長與梅枚鄧士錦互相劇切爲詩文綜貫百家咀華茹實不屑陳言雍正甲辰舉於鄉丁未成進士授戶部主事擢刑部員外坐事貶秩乾隆丙辰應博學鴻詞科以第二人授編修遷春坊論德未幾卒生平不爲矯激之行然遇不可

建昌府志

卷四十七

人物傳十一

三

則嶄然不移先後充會試同考官所得皆知名士無子臨卒時有惋惜者安禮懼然曰若不讀鄧君用晦詩乎薪火兒孫天下滿予著作具在東山未必不兒也其曠達如此所著有東山草堂集東山詩草館閣應制賦初安禮未第時有從叔秉道字耕臣者讀書立品深爲安禮所敬服嘗有句曰大阮兼師友頻舉問字來秉道子茂有文名以優貢教習鑲藍旗聞父訃匍匐歸卒茂子從龍乾隆辛未進士授刑部主事

鄧士錦小傳近志

譚應昌字蔚華南豐人少受學於梁份鄒憲又學於宿松朱書晚以古文受知督學李鍾僑籍弟子所刻藹如堂集錄情詩草溫厚和平望而知爲有養之士嘗憫邑中苦節婦

不得聞於世乃捐已地集眾構為隱節祠并錄其事以傳年七十餘鶉衣百結閉戶著書澹如也介份與應昌之聞以古文著者曰湯廷竹以博瞻著者曰李逢陽逢陽字其舞人稱六村先生幼有異質能背誦歷書於書無所不讀而微近於雜份與廷竹未嘗數稱之而應昌顧常借邑中士大夫請其益逢陽於客無送迎每自據上座唯所詰問不可窮侍讀樊澤達至南豐以疑質逢陽答如響達驚回京以書招之不赴年八十卒無子邑人爲合殯之甚厚所刻偶然集清寒刻峭絕不類胸有萬卷者廷竹自有傳

近志

夏雨南城諸生雍正間李太守朝柱修萬年橋雨盡伐其山

建昌府志

卷四十七

人物傳十一

七

中所蓄大松以爲橋基時紳士二十四人皆計日代更獨雨無間寒暑曉夜日往事事修太平大德二橋亦如之橋成邑人爲製王配食李太守祠

近志

傅文昭南城人居內憂鄰火母棺在堂號泣得免父性嚴設館十里外嗜家井泉日命文昭汲泉至不敢懈人稱爲孝

子

近志

章秉銓字衡三號淡園南城人幼從塾師授中庸至故至誠無息章問何爲以故字作起師不能答及長刻志勵學博聞強識舉康熙甲午鄉試雍正庚戌成進士授禮部主事適館閣查前代封藩實錄各號銓爲條晰以對皆驚其博洽轉戶部臨川李穆堂負重望後輩罕當其意獨待銓以

士銓貧割產舍處之銓卒穆堂爲之殯殮南歸哭送都門外又輯銓所作詩與新城鄧鎮雲作同梓行之曰章鄧

合刻

縣志

杜繼凱字左待南豐人歲貢生居家有至行哭母幾喪明從子文昭死遺孤四人凱撫以成立少有文名試輒魁其曹與同邑鄧牧譚苓饒安鼎湯斯祚聯吟唱和著嗜梧集四卷風格道上不肯作元劉以下語

近志

黃紹斌字述亭新城人家於南城嘗憇郵亭拾遺金一封久坐不去俟失者至還之從弟秀弼五歲喪父母適人斌爲娶婦秀弼無嗣其婦守志斌給田三十餘畝資衣食客有貨磁器者久病旅店囊盡斌贈以貲俾之歸舉鄉飲賓咸

建昌府志

卷四十七

人物傳十一

二

以爲允

近志

鄧釗字煥文南城人由例貢官刑部郎中有張三等三人爲失銀鞘論死釗憫其罪重情輕曲爲開釋得減等授河東鹽運同知擢運使累遷湖南辰沅道卒於任生平慷慨多義舉在京時念邑會館偪窄特倡首捐貲拓之鄉人至今

稱便

縣志

徐兼字甸山號象良南城人讀書敦尚實行年十四母病篤醫言鯉可治時嚴寒兼往釣跣足風雪中垂泣不已卒得二鯉以進遂愈母嘆曰人言父母憐少子殆無怪也丁外內艱喪葬一遵古禮遇忌日雖授經百里外必歸祭緇膳修先塋兢兢不懈生平博聞強識沉酣經史百家

訂諸書幾二尺藏于家

近志

程煜字希章號敬齋雍正庚戌進士授義烏知縣義烏有鱸湖久淤塞煜爲疏濬溉民田無筭調金華有夏姓以逋負控程某程以煜同宗攜重金賄囑煜峻拒之竟如法再調寧海開回浦河清慶寺田興復書院邑人士稱便五入浙闈同考所得皆知名士擢知化州以年老致仕歸坐平寬厚和緩遇橫逆不與較久之自愧服好讀書至老不倦卒七十有一

近志

陶思賢字芳齊號省園南城人九歲失怙家窶甚搥薪以養母年十六聞館舍吾伊稟母願就學母從之不數載遂出宿學上旣又與何天爵梅枚潘安禮鄧士錦諸人朝夕切

建昌府志

卷四十七

人物傳十一

元

劓肆力於詩古文康熙庚子入洪州從張尙瑗遊極相引重是歲舉於鄉雍正己酉分校浙闈薦拔皆知名士明年成進士試用浙江知縣奉檄賑荒山左饑民安輯已而請改學官去癸丑應聘主白鹿書院一切條約盡復文公之舊尋教授九江爲義學山長仍兼掌鹿洞禪身範士首德行而次文藝學者數百人曉夜披摩無間以勞瘁卒年五十九門人畢至爲治喪櫬歸哭送數十里舟過南康亦如之著有田園集鹿洞鐸餘錄子金訓優貢生金誥邑庠金諧進士任湖南溆浦縣

縣志王秉和志銘

余廷相字天輔號左夫南城人領康熙庚子武鄉薦雍正庚戌成進士官河南信陽營守備性至孝三歲失怙卽號泣

不絕聲及母喪哀毀骨立喪畢夜寐咽吻間常有啼聲以呼母季父邦治晚貧甚廷相事之如父比卒喪塋盡禮平生正直端方勇於有爲鄉里有公舉輒殫力以赴官信營以才能著後緣屬弁事誣誤罷歸居林下十載士大夫恒敬重之卒年六十有二

近志

鄧敦復字繼武瀘溪人父守謙早喪母饒氏以遺腹生敦復守節五十餘載撫敦復成立康熙五十四年母得建坊旌表雍正二年奉文節孝已旌者所在地方建祠享祀敦復喜自公帑外捐數百金成之母六旬後病癯手足不能運動敦復百計調治設卧榻母側母起爲之衣飯爲之哺事無大小必躬親卽衣裙湔浣不假侍婢十年如一日

縣志

建昌府志

卷四十七

人物傳十一

三

陳九韶字象三廣昌人雍正庚戌進士自少讀書觀方曠足跡不入城市工楷法詩古文爲同邑饒一辛黃永年所許性孝友弟九鵬初艱嗣續父母憂之九韶爲焚香代禱後連舉數子怡然曰吾父母今無遺憾矣任饒州教授卒於官饒人士感其德釀貲護喪歸

近志

陳世爵字浣修新城太學生父以汧久困諸生授徒自給世爵有幹才善生計顧好施與散藥給糶無虛日乾隆癸亥歲饑自外郡買粟六千石散賑鄉里德之年七十一卒遺命撥租田二千石以贍宗族鰥寡孤獨有養吉凶緩急有

助其規條畧倣范文正公義庄法行之子道戊辰進士

潘中立字在田號松溪新城人少有異稟意氣豪邁爲文博

綜經籍尤工詩組織研練氣象雄渾嘗謂詩不必盛唐即宋元人皆有至處顧其所造何如耳雍正癸卯舉於鄉授內閣中書舍人癸丑成進士仍留中書乾隆二年直軍機房益幹辦自力由侍讀轉刑部郎中未幾卒縣志
何曰熙字克輝號春臺新城人雍正壬子鄉舉乾隆元年授內閣中書舍人以任事勤敏大臣交薦之凡巡海巡河關兵及鞫訊大獄屢奏請與偕行並著勞績陞吏部文選司主事與軍機房時用兵金川隨經畧往勦盛暑晝夜兼行三百餘里以疾卒於軍

恩賞銀五百兩所司遞送歸葬縣志

魏大升字象文號月村瀘溪人負經世才以拔貢廷試第一

建昌府志

卷四十七

人物傳十一

三

授兩淮呂四場鹽課大使在官清慎凡救荒浚河築范堤諸務克著勤勞署通州分司稱其職旋膺卓薦候遷知縣制府委修揚州高旻寺卒于工所縣志

唐景運字惟興廣昌人好讀史及顏氏家訓溫公書儀爲人豁達於榮辱得失不以動其心獨惓惓於利濟曰士無窮達惟各盡其分所當爲與力所得爲者而已雍正癸丑饑景運既設法以賑念賑爲救荒下策於是創立義倉於宗祠偕好義者競勸共得粟六百石變通於朱子社倉之法行之十年儲粟至二千三百七十餘石乾隆癸亥大饑四方流離萃死者無筭獨唐坊前後千數百家無一人失所者其粟至今賴之從兄惟藩故與景運有怨疾將革召景

運托以孤曰惟子可屬惟子能不修怨也景運泣許之爲之捍外侮卒成其子年六十餘縣令黃允肅禮以賓筵反覆稱歎又四年卒

涂志述字周星新城人幼習詩書旁涉武藝雍正初累官柳州守備出師黔邊征定且滾宗二寨志述下營古州哨探形勢見路僻林深先督大刀軍伐木披榛焚烈以通道又度燎原之餘賊必戒嚴乃緩兵按伏俟其旣疲夜半止號礮發奇兵攻之賊出不意莫能禦相率乞降二寨旣平志述染病卒年四十八志述撫士卒有恩凡病死及鎗殲陣亡者藥餌殯殮調治周給不足則捐俸繼之平二寨時所得大府賞賚一無所取槩以犒軍士卒之日冷署蕭然附

建昌府志

卷四十七

人物傳十一

三

身附棺皆同官爲經紀後十餘年部檄下以前征黔功廕一子入監志述少事從兄志通爲學志通字于野以貢生爲長寧訓導立品讀書皆爲鄉里矜式鄧裴黃文則並出其門子珩康熙鄉舉官萍鄉教亦有聲

縣志

魏運世字會期號健堂廣昌人以拔貢授南皮令南皮爲古渤海地環遠百餘里亘以長堤運世親宿河干日夜修築又疏路通下游七十里以通積澇邑得免水患飛蝗爲患衆撲滅不得息爲詣神廟具疏告詰且往視蝗盡死百姓感之未幾卒於官

探魏少宰傳

何潛字公亮廣昌國學生十齡喪父執喪如成人母年九十餘色養無違有姪文彩幼聘吳氏女父母俱歿泫遠方

吳欲進盟潛憇尋彩歸爲完娶併給田三十畝買衣食邑
令黃允肅修河堤平西臺濬學溪皆潛爲經理著有潛澤
芻言及陶園詩文集近志

黃永年字靜山號崧甫廣昌人幼穎敏嗜學學於族祖建又
學於南豐梁份已而獨學於白田山中者十年靜証實驗
得古聖賢立身行己之要而文亦益進南城陶成主豫章
書院於人少許可獨引重永年一時當道皆屈已下交有
所著譔多出其手雍正乙卯舉於鄉明年成進士先是巡
撫薦永年博學宏詞旣成進士不與試授刑部主事徹車
蹇驢入署理案牘歸則閉戶手一編罕出入人以爲怪相
國鄂公爾泰聞而器之公卿多保任爲御史閣學秦公蕙

建昌府志

卷四十七

人物傳十一

三

田至舉以自代永年落落如平常晉員外郎又二年轉郎
中奉使決獄江南遷鎮江知府改常州去職卒邸舍永年
官曹刑如在深山守外郡如在刑曹故大不理於口而一
時士大夫如方公苞陳公大受尹公繼善雷公鉉劉公方
嵩交重之雖聞流言不信也及卒雷鉉爲之銘其墓所著
有希賢錄靜子日錄崧甫文類春秋四傳異同辨南庄類
稿白雲詩鈔奉使集共若干卷新城門人陳道梓以行世

墓志

黃德字潛九新城監生少力學攻制舉業清真有法度體弱
善病自度不能終三場遂謝弗往性至孝父志修家法
整德偶以小故拂意予杖時年四十餘

清其德衣冠跪父榻前父問誰曰兒也父不答有頃顧
德仍跪喜曰今日有某事爾當往治德乃喜他善於承順
皆如是中年後杜門課子孫子鐘拔貢生官平武知縣封
德如其官孫克扶舉人

黃文則字周炳號樸園新城人少孤力學博聞強識雍正乙
卯以五經舉於鄉乾隆丙辰會試下第有

旨搜遺禮部侍郎桐城方苞得文則卷大賞之奏

開准一體殿試成進士揀爲咸安宮教習居逾年念母老請就
教職便養選吉安教授在任六年兼白鷺書院掌教進士
有方俸滿保題陞貴州印江知縣母憂服闋揀補安徽懷
寧令在印江時築城西謝公廢堤灌田百頃印俗戶稅零

建昌府志

卷四十七

人物傳十一

十四

星分納吏緣爲奸文則令合注而許其總納民皆德之懷
遠當淮潞二水之衝頰年被潦文則奉檄賑濟悉心體恤
又設蒨棚四十餘所以棲露處者凡所經畫曲中民隱任
三年以疾免歸卒子道嘉附貢生候選知縣

黃鑾字御和號恕堂新城人乾隆戊午鄉舉性嗜學常外局
館門讀書經旬不出戊辰北上同寓親族病疫鑾經理藥
餌朝夕左右僉曰盍避諸鑾曰昔椒山且不避僧疫况親
族乎後竟染病卒士論惜之

萬選字青如號蒼石南城人國寧子生而穎異年十三補入
府庠棘戰不售挾策遊京師值營田需人以竣工議叙陞

元補音褒美謂選年力精壯

走烈日中艱難勸賑四十餘日中暍卒邑人哀之志

譚儼字望山南豐人幼隨父自昇任廣豐司訓朝夕侍養備得歡心父沒仰承父志勤施不倦癸丑歲邑大饑儼偕伯兄三人開倉賑癸亥又饑儼贖金數千兩遠販減糶又請於當事煮賑四十日分建東西四廠先遠鄉次近郭男婦殘疾異區寢食醫養有所內外幹心心力俱竭事竣當事首旌之其他助舟於券美行不可殫述先是同邑有張登榜者其孝友好施亦如之邑中推盛德者必以登榜為儗份云登榜字尚德覺羅永會傳

趙由儀字山南南豐人四歲能文有神童之名十六補弟子員明年食餼乾隆辛酉舉於鄉兩上公車不第歸而肆力

建昌府志

卷四十七

人物傳十一

十一

於詩遠近文人皆嘆為仙才不可及而儀益自勵氣節孝親信友急患難如饑渴當道重其名欲羅而致之不往也一年廿三卒所為詩不自收拾諸友為梓其存者八十首曰漸堂遺草

杜瑄字可傳南豐人稍長不讀非聖書惟嗜陸宣公奏議雖試事必借為人耿介敦古誼危坐終日無惰容教子弟必授以小學築傲者縉瑄門皆馴謹家庭有難處事每解橐金調理必得平乃已里有以三日饑告者竭瓶中粟昇之妻以晨炊告曰三日饑不更急於明日耶乾隆辛酉舉於鄉病不能上公車或勸傾水程銀資參藥曰此即欺心不可未幾卒人感惜之近志

侯商豐人父鳳孝友著稱積學為不遇山僧
見其形迹並露頭角乾隆丁卯僖以五經舉於鄉王司錄
比其年進至一時有國士之日辛未成進士益肆力古學
王司錄邑大饑倡議施賑族里受惠者甚眾著有論策襍
文數百篇皆可觀 三十二卒兄由仁甲子舉人直隸廣

西知縣俶丁卯副車平定州州判

逝

黃名世字元臣號逸壘南城人乾隆癸酉舉人甫成童以五
經入泮食餼久晚乃獲售為文一宗先正著有四書辨疑
五經講義星聚堂詩黃子一家言諸集性至孝父病顛天
屢減已笑延之遇邑公舉如修文廟建書院皆率先襄事
然終不干以私生平延師課子督率不怠四子綸紹繡綱

建昌府志

卷四十七

人物傳十一

七

俱有聲庠序次子紹壬申舉人甲戌明通榜任浙江石門
知縣迎養衙齋名世以廉明勤慎四字作詩四章令紹觸
目警心年六十三卒於官舍

黃德韶字聖聞廣昌國學生性孝友少失怙同寡母諸弟依
祖父母不離左右母風抱疾常夜發暈絕德韶率諸弟
坐侍徹曙雖盛寒暑不輟如是者近三十年弱冠攻舉子
業日可得六七藝頗為名流歎服試不利乃棄業使諸弟
力學而已治生供菽水助諸弟饘粥俾有成立見人有艱
險輒周救之或故為艱苦狀給之旬貸無不如所請卒年
五十有八

余鍾字澹夫南城人邑庠生事親以孝聞父病

可治計則否鐸嘗之而甘乃齋戒禱於城隍願減已算以益親壽逾日復嘗味竟甘且父果痊性和厚與人無忤讀書授徒不預外事晚年知縣蔣何德舉爲鄉飲賓

江聯芬字殿華新城人國學生少孤事母孝謹姊妹二人俱貧而寡芬承母志教育其子均有成立雍正丙午癸丑邑饑兩捐米煮賑乾隆丙子夏米價大昂出穀倡同志減價以糶價乃漸平邑令皆獎之以子瑞圖候選主事封奉政大夫

獨世儔字宣臣南豐人幼有至性年二歲而孤聞母哭泣卽不乳比長事必稟命而後行哀母節行百計揚之得旌表癸亥饑與再從弟世綱踴躍助賑施糜粥者三月是歲也

建昌府志

卷四十七

人物傳十一

三

東南皆饑惟南豐不害有司題額以獎儔綱曾與焉綱後更輸租田七十石於嘉禾書院資生徒膏火人甚稱之